

神龜五年三月廿八日

〔續日本紀〕聖武神龜五年四月辛巳太政官奏曰略○中諸國司言運調行程遙遠百姓勞弊極多望請外

位位祿割留入京之物便給當土者臣等商量並依所請伏聽天裁奏可之

〔類聚三代格〕五勅惟王建國制軒冕而旌賢惟帝念功設爵賞以御衆用能翼亮洪基弼諧鼎業詳觀列

代咸皆由之省去神龜五年奏五位已上子孫累世冠蓋及明經秀才堪爲儒者即叙內位自餘先叙外

位積勞入內其外位位祿位田賻物者給內位之半女減三分之二蔭子之階正五位嫡子從八位上庶子大初

位上從五位嫡子從八位下庶子大初位下並補大舍人不任內舍人位分資人正五位五人從五位四

人女亦同是所以分別內外差降品秩也其自外入內叙當位之階則優昇超次僉議未允至於行刑之日

不聽辭訣論子之科不須蔭贖則貶抑過甚有乖條例如此事類往々不穩夫五位者班列大夫蔭及子

孫朝廷攸重人望斯在而勞級雖貴禮數猶卑褒德勸人豈合如此古人有言爵不尊祿不重者不可與

圖難犯危以其道未可求之也宜不穩言條並從除去但位田位祿賻物之數蔭階資人因修前例主者

施行

延曆十二年正月六日

〔享祿本類聚三代格〕六太政官謹奏

內外五位位祿準據令格事

正五位 絁六疋 格員八疋 綿六屯 格員八屯 絲廿六絢 格員今停 布卅六端 格員卅八端 庸

布二百卅常 以二丈八尺爲一段一百一十一段一丈 格員五十四段 今定一百一十段

從五位 絁四匹 格員六疋 綿四屯 格員六屯 絲廿絢 格員今停 布廿九端 格員卅六段 庸布

一百八十常 以二丈八尺爲一段八十三段一丈六尺格員卅段今定八十段

右據祿令所定如件